



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Rvperti Abbatis Monasterii Tuitiensis, ordinis sancti
Benedicti, Theologi antiqui ac plane clarissimi, in Cantica
Canticorum de incarnatione Domini commentario[rum],
libri VII**

Rupertus <Tuitensis>

[Köln], 1527

VD16 B 3703

Messui myrrham meam cum aromatibus meis.

urn:nbn:de:hbz:466:1-34445

¶ Messui myrrham meam cum aroma-
tibus meis.

Id est, expandi manus meas in cruce, hoc fru-
ctu, ut saluarentur omnes mei, quos ille, meren-
do mortem animæ suæ, perdidit.

¶ Dictum quippe fuerat illi. De ligno autem sci-
entiæ boni & mali ne comedas, in quacunque
enim die ex eo comederis morte morieris.

Gene. 2.

Non obediuit, imò inobediens manus, inconti-
nentes ad uetitum extendit. Hoc illi metere fuit
seminauerat em̄ impiam cogitationem, cum ens
intus, & cogitans esse sicut deus. Hoc illi, inquã,

Psal. 115

Psal. 33

illi metere fuit, non myrrham, sed gehennã, non
mortem corporis, quæ nunc interdum præciosa
est, sicut dicit Psalmus: Præciosa in conspectu

domini mors sanctorum eius, sed mortem ani-
mæ quæ mors mala est, sicut item dicit Psalmi-
sta: mors peccatorum pessima. Mortem illam

messuit, morte illa statim mortuus fuit, ubi po-
mum de arbore rupit & momordit, iuxta ueri-
tatem dicentis, in quocunq; enim die comederis

ex eo, morte morieris. Ego autem messui myr-
tham meam, scilicet corporis solam mortē, mor-
tem præciosam. Seminaueram ante iustitiam,

seminaueram humilitatem & obedientiã spon-
taneam, cum essem ego non, ut ille, tantum ho-
mo, sed & deus & homo. Considerabam illud

unde patre minor essem, scilicet, natura carnis,
sicut scriptum est: minuisti eum paulominus ab
angelis, & secundum illam naturam ita iustitiæ
ordinem tenui, ut in omnibus subditus essem, et
obediens patri, tanquam minor maiori, hō deo,

Psal. 8.

Obedientiã

Christi se-

cund. leg.

Exod. 23.

creatura creatori, secundum legem Moysi. Exempli gratia: Ter in anno apparebit (ingr) omne masculinum tuum coram domino Deo tuo .s. in solennitate azymorum, in solennitate primitiuorum mensis, & in solennitate exitus anni, quae est solennitas tabernaculorum. Haec enim pars iustitiae siue obedientiae maxime mihi seminarium myrrhae fuit: quia exinde inimicis meis opportunitas uenit, me interficiendi, dum sciens eos tractare mortem meam, nihilominus propter praecceptum legis ascendi Hierosolymam. Ita factum est, ut meterem myrrham meam cum aromatis meis. i. ut per obedientiam peruenire usque ad mortem, mortem autem crucis, cum qua & per quam omnia traxi ad me, & acquisiui omnes electos meos a constitutione mundi. Quid deinde?

Philip. 21
Ioan. 12
Ephes. 1.

¶ Comedi fauum cum melle meo.

¶ Id est, surrexi a mortuis, recepi eamem meam non ultra morituram, sempq; uicturam cum uerbo sibi unito uerbo deo, quod sum & era ego. Miranda oppositio, mirabilis correctio. Ille primus homo requisitus siue redargutus de peccato suo, qui semetipsum defendit, non solum mortem animae, quam incurerat, non euasit, uerum etiam mortem corporis istius per acquisiuit, dicente deo, quia puluis es & in puluere reuerteris. Ego autem, qui tradidi pro peccato, non meo sed alieno, memetipsum obediens patri, non solum uitam animae non amisit, quasi propter maledictum legis dicentis, quia maledictus a deo est, qui pendet in ligno: uerum etiam uitam carnis cito recuperaui, & ecce sum homo in utroque. s. in corpore & in anima uiuus, contra quod ille fuit in utroque mortuus.

Gene. 3.
Deut. 21